

Mensahe 5

Ang Tuyo sa Dios ni Job—Mahimong Dios-tawo ang Maayong Tawo

Basahong Kasulatan: Job 1:1, 8; 2:3, 9; 27:5; 31:6; 42:5-6; Juan 1:14; Rom. 1:3-4; 8:29

- I. Maayong tawo si Job, nga nagpadayag sa iyang kaugalingon sa iyang pagkahingpit, katul-id, ug kaligdong—Job. 27:5; 31:6; 32:1:**
- A. May kalabotan sa tawo sa sulod ang pagkahingpit, ug may kalabotan sa tawo sa gawas ang katul-id—1:1.
 - B. Tawo sa kaligdong si Job; ang kaligdong maoy kinatibuk-an sa pagkahingpit ug katul-id—2:3, 9; 27:5; 31:6:
 - 1. Kalabot ni Job, ang kaligdong maoy kinatibuk-ang pagpadayag sa iyang pagkamao.
 - 2. Sa karakter hingpit ug tul-id si Job, ug sa pamtasan niya habog siyag sukdanan sa kaligdong.
 - C. Positibong nahadlok sa Dios si Job ug negatibong nilikay sa daotan—1:1:
 - 1. Gilalang sa Dios ang tawo dili lang aron mahadlok Niya ug dili mobuhat og sayop; gilalang hinuon sa Dios ang tawo sa kaugalingon Niyang dagway ug segun sa pagkasama Niya aron magpadayag sa Dios ang tawo—Gen. 1:26.
 - 2. Habog pa ang pagpadayag sa Dios kaysa pagkahadlok sa Dios ug paglikay sa daotan.
 - 3. Kakawangan gyod ang nakab-ot ni Job sa iyang pagkahingpit, katul-id, ug kaligdong; wala kini makatuman sa tuyo sa Dios o makatagbaw ba sa tinguha Niya, ug tungod niana, mahigugmaon Siyang nagtagad ni Job—Job 1:6-8; 2:1-3.
 - D. Ang Dios ray nasayod nga dunay panginahanglan si Job—wala siyay Dios sa sulod niya; tungod niana, gusto sa Dios nga mabatonan Siya ni Job aron magpadayag siya Niya para matuman ang Iyang tuyo—42:5-6.
- II. Tuyo sa Dios nga mahimong Dios-tawo si Job, nga magpadayag sa Dios sa mga kaayo Niya—22:24-25; 38:1-3:**
- A. Gidala sa Dios si Job sa laing ginsakpan, sa ginsakpan sa Dios, aron mabatonan ni Job ang Dios imbis ang mga nakab-ot niya sa iyang pagkahingpit, pagkamatarong, ug kaligdong—42:5-6.
 - B. Tuyo sa Dios nga himoong tawo sa Dios si Job, nga napunog Cristo, ang pagkalawas sa Dios, aron mahimong kahupnganan sa Dios nga magpadayag sa Dios diha ni Cristo—1 Tim. 6:11; 2 Tim. 3:17.
 - C. Gihuboan ug giut-ot sa Dios si Job aron maguba siya ug makasukad ug makahigayon ang Dios sa pagtukod pag-usab kaniya pinaagi Niya mismo aron mahimo siyang Dios-tawo, nga sama sa Dios sa Iyang kinabuhi ug kinaiya apan dili sa Iyang ranggo sa pagka-Dios, aron magpadayag sa Dios—Efe. 3:16-21.
 - D. Dili gusto ang Dios nga magmaayong tawo tang mga magtutuo ni Cristo; gusto Siya nga mahimo tang Dios-tawo—Juan 1:12-13; Rom. 8:16:
 - 1. Gilalang ta sa Dios sa kaugalingon Niyang dagway sa tuyo nga magpadayag sa Dios ug morepresentar Niya gamit ang Iyang pagbulot-an—Gen. 1:26-28.
 - 2. Kon maayong tawo lang ta, dili ta makapadayag sa Dios o makarepresentar ba Niya.

3. Dili maayong tawo, kondili Dios-tawo, ang makapadayag ug makarepresen-
tar sa Dios—2 Cor. 3:18.
4. Mga representante sa Dios ug dunay pagbulot-an Niya sa tanang butang ang
mga Dios-tawong nagpadayag sa Dios—Gen. 1:27-28.

III. Ang pagpakatawo ni Cristo, nga pagkalawas ug pagpadayag sa Tulo-usang Dios, nagpalugwag Dios-tawo—Luc. 1:31-32; Juan 1:1, 14, 18, 51:

- A. Ang Ebanghelyo ni Lucas pinadayag man sa Dios-tawo nga nagkinabuhi sa
tawhanong kinabuhi nga napuno sa diosnong kinabuhi isip sulod niini—1:35;
2:7-16, 34-35, 40, 49, 52.
- B. Diha ni Cristo nahimo nang usa ka persona ang Dios ug ang tawo, ang Dios-
tawo—Luc. 1:35; Juan 1:14; Mat. 1:18, 20-23:
 1. Kay gisamkon man si Ginoong Jesus sa diosnong pagkamao ug gipanganak
sa tawhanong pagkamao, gipanganak Siya nga Dios-tawo; busa, sa pagka-
Dios-tawo Niya duna Siyay duha ka pagkamao—ang diosnong pagkamao ug
ang tawhanong pagkamao—v. 18.
 2. Ang pagsamkon sa Espiritu Santo diha sa tawhanong ulay nag-umol og pa-
nagsagol sa diosnong kinaiya ug tawhanong kinaiya, nga nagpahimugsog
Dios-tawo, nga kompletong Dios ug hingpit nga tawo—Luc. 1:35.
 3. Isip hingpit nga tawo ug kompletong Dios, dunay tawhanong kinaiya lakip
ang maayong kagawian niini ang Dios-tawo aron kasudlan sa Dios ug magpa-
dayag Niya pinaagi sa diosnong mga kaayo.
- C. Isip Dios-tawo, nagkinabuhi si Ginoong Jesus dinhi sa yuta dili pinaagi sa taw-
hanong kinabuhi Niya kondili sa diosnong kinabuhi—Juan 5:18-19, 30; 6:57:
 1. Sa nia pa sa yuta si Ginoong Jesus, bisan tuod tawo Siya, nagkinabuhi Siya
pinaagi sa Dios—Juan 6:57; 5:19, 30; 6:38; 8:28; 7:16-18:
 - a. Gikinabuhi ni Ginoong Jesus ang Dios ug gipadayag ang Dios sa tanang
butang; bisan unsay gibuhat Niya pagbuhat man sa Dios gikan sa sulod
Niya ug pinaagi Niya—14:10.
 - b. Nagkinabuhi si Ginoong Jesus ingon nga Dios-tawo pinaagi sa kinabuhi
sa Dios, dili sa kinabuhi sa tawo—6:57.
 - c. Wala ikinabuhi sa tawhanong kinabuhi ang Iyang tawhanong kinabuhi
kondili sa diosnong kinabuhi—1:4; 11:15; 14:6.
 2. Kay nagkinabuhi man si Ginoong Jesus nga kanunayng nagdumili sa Iyang
tawhanong kinabuhi—kanunayng nagbutang sa Iyang Kaugalingon sa krus—
wala magpadayag sa pagka-tawo ang pagkinabuhi Niya ingog tawo; nagpa-
dayag hinuon kini sa pagkadios diha sa diosnong mga kaayo nga nahimong
tawhanong maayong kagawian—Mat. 16:21, 24.
 3. Sa tanang adlaw Niya dinhi sa yuta, nagdumili Siya sa Iyang Kaugalingon ug
nagpas-an sa krus aron makakinabuhi Siya sa Dios ug magpadayag sa Dios
sa diosnong mga kaayo Niya nga nahimong tawhanong maayong kagawian;
kini ang kinabuhi sa unang Dios-tawo isip sumbanan—Luc. 1:31-32; 7:11-16;
10:25-37; 13:10-16; Rom. 8:2, 29.

IV. Sa sinugdan, naghigot ang Biblia sa Dios-tawo; pinaagi sa pagkabanhaw Niya gipasanay kining Dios-tawo ingon nga daghang Dios-tawo—Rom. 1:3- 4; 8:29; Heb. 2:10:

- A. Si Ginoong Jesus, nga unang Dios-tawo, maoy sumbanan sa pagpalugwa sa
daghang Dios-tawo, nga hulad Niya—1 Ped. 1:21.
- B. Nahimong tawo ang Dios aron makabaton og daghang hulad Niya ug sa ingon

niana magpalugwag bag-ong matang; kining bag-ong matang mao ang matang sa Dios-tawo—Rom. 8:3, 29; Heb. 2:10.

- C. Si Ginoong Jesus, ang Dios-tawo, mao ang lugas sa trigo nga nahulog sa yuta aron magpalugwag daghang trigo nga hulad Niya—Juan 12:24:
 - 1. Ang unang lugas sa trigo—ang unang Dios-tawo—maoy sumbanan, ug ang daghang trigo—ang daghang Dios-tawo—nga gipalugwa ning usang lugas sa trigo pinaagi sa kamatayon ug pagkabanhaw maoy hulad sa unang Dios-tawo.
 - 2. Ang daghang trigo, nga daghang Dios-tawo, mao ang hulad sa Dios; makali-pay sa Dios kanang hulara kay sama man sila Niya tan-awon, sama Niya mamulong, ug sama Niyag pagkinabuhi—1 Juan 2:6; 3:2; 4:17.
- D. Ang unang lakang sa paghulad kun pagpasanay sa Dios mao nga ipanganak gyod ta pag-usab sa pneumaticong Cristo diha sa atong espiritu pinaagi sa Iyang diosnong kinabuhi ug kinaiya—Juan 3:3, 6.
- E. Aron mahulad kun mosanay ang Dios-tawo transpormahon gyod ta sa pneumaticong Cristo diha sa atong kalag pinaagi sa Iyang diosnong mga kaayo aron mapausbaw, mapalig-on, mapadato, ug mapuno ang tawhanong kagawian nato aron mapadayag Siya diha sa atong pagka-tawo—2 Cor. 3:17-18; Rom. 12:2.
- F. Makita gyod unta nato nga mga Dios-tawo ta, gipanganak sa Dios, nakabaton sa kinabuhi ug kinaiya sa Dios, ug kaliwat sa Dios—Juan 1:12-13:
 - 1. Isip mga anak sa Dios, nga gipanganak sa Dios nga dunay diosnong kinaiya, mga Dios-tawo ta, diosnong mga tawo; sama ta Niya nga nanganak nato—1 Juan 3:1; 5:1.
 - 2. Kay gipanganak man ta sa Dios, mahimong moingon ta nga Dios ta sa kinabuhi ug sa kinaiya apan dili sa ranggo sa pagka-Dios—Juan 1:12-13; Rom. 8:16; 2 Ped. 1:4.
 - 3. Ang paghunahuna sa atong kaugalingon nga mga Dios-tawo ta ug makaila ug makaamgo kon kinsa ta, mag-usab gyod nato sa inadlawng kasinatian nato—1 Juan 2:20; 3:1-2; 5:13, 20.
 - 4. Dili ta mga Cristohanon lang o mga magtutuo ra ba ni Cristo; mga Dios-tawo ta, matang sa Dios-tawo, ang hulad sa Dios—Juan 12:24; Rom. 8:16, 29; Heb. 2:10-11.

V. Ang Dios-tawong pagkinabuhi ni Cristo naghimo Niyang sumbanan aron mahulad Siya sa sulod nato ug magkinabuhi pag-usab sa sulod nato, nga mga Dios-tawo—Juan 14:19; Gal. 2:20:

- A. Isip hulad sa Dios-tawo, magkinabuhi gyod ta sa kinabuhi sa Dios-tawo—Fil. 1:19-21; 3:10.
- B. Ang pagkinabuhi ni Cristo isip tawo, tawo mang nagkinabuhi sa Dios aron magpadayag sa mga kaayo sa Dios diha sa tawhanong maayong kagawian; napuno, nasagol, ug nasuropan sa diosnong mga kaayo ang tawhanong maayong kagawian Niya—Luc. 1:26-35; 7:11-17; 10:25-37; 19:1-10.
- C. Isip paglapad, pagtubo, hulad, ug sumpay sa unang Dios-tawo, magkinabuhi gyod ta sa mao rang kinabuhi nga gikinabuhi Niya—1 Juan 2:6:
 - 1. Ang Dios-tawong pagkinabuhi sa Ginoo maoy sumbanan sa Dios-tawong pagkinabuhi nato—gilansang sa krus aron magkinabuhi para mapadayag ang Dios diha sa tawo—Gal. 2:20.
 - 2. Dumilian gyod nato ang atong kaugalingon, magpahiyon sa kamatayon ni Cristo, ug magpadako Niya pinaagi sa madagayaong sangkap sa Iyang Espiritu—Mat. 16:24; Fil. 3:10; 1:19-21.

3. Isalikway gyod nato ang pag-ugmad-sa-kaugalingon ug hukman ang pagtukod sa natural nga tawo; kinahanglan makaamgo ta nga ang Cristohanong maayong kagawian may kalabotan gyod sa diosnong kinabuhi, sa diosnong kinaiya, ug sa Dios mismo—Gal. 5:22-23.
 4. Ang Personang nagkinabuhi sa kinabuhi sa Dios-tawo mao ang Espiritu karon nga nagkinabuhi sa sulod nato ug pinaagi nato; dili gyod ta magpapuno ug magpaokupar og bisan unsa kondili ning Personaha ra—2 Cor. 3:17; 13:5; Efe. 3:16-19.
- D. Si Cristo sa Filipos 1 mao ang Dios-tawo sa Filipos 2:5-8; busa, ang pagkinabuhi kang Cristo pagkinabuhi man sa Dios-tawo pinaagi sa madagayaong sangkap sa Espiritu ni Jesucristo—1:19.
- E. Mobukas ngani ta sa atong kaugalingon sa Ginoo, mahigugma Niya, ug magtinguha nga mausa Niya, mapuno ug mapanag-iya ta Niya ug magkinabuhi sa himaya sa pagkadios ug sa maayong kagawian sa pagka-tawo—1 Cor. 2:9; 6:17; Fil. 4:4-9.